

# Yakin lahir tenaga kerja berdaya saing, mahir

Sinar  
(Sentral)  
Ahmad 17/3/13  
msp20

KUANTAN – Universiti Malaysia Pahang (UMP) yakin melahirkan mahasiswa berkualiti melalui peningkatan sehingga 79 peratus graduan memperoleh pekerjaan dalam bidang masing-masing dalam masa enam bulan selepas tamat belajar tahun lalu.

Naib Canselor Universiti Malaysia Pahang (UMP), Profesor Datuk Dr Daeng Nasir Ibrahim berkata, peningkatan itu jelas menunjukkan UMP mampu menghasilkan tenaga kerja berdaya saing dan berkemahiran tinggi mengikut spesifikasi dikehendaki industri tempatan.

"Setakat ini UMP berjaya mencapai sasaran Kementerian Pengajian Tinggi (KPT) melalui sistem pengesanan bekas mahasiswa dalam tempoh enam bulan ditetapkan.

"Anggaran peratusan diletakkan KPT bagi sistem itu 75 peratus setiap tahun.

"Mengikut sistem ini UMP sendiri mampu melihat sejauh mana kemampuan universiti ini melahirkan tenaga kerja mengikut keadaan semasa," katanya.

Beliau berkata ketika sidang akhbar Program Karnival Pengajian Tinggi Negara (KPTN) Jom Masuk U, kali kesembilan 2013 Zon Pahang, di sini semalam.

Turut hadir, Ketua Pengarah Jabatan Pengajian Tinggi, Profesor Datuk Dr Rujhan Mustafa; Ketua Pengarah Jabatan Pengajian Politeknik, Mejar (K) Md Nor Yusof dan Timbalan Naib Canselor (Akademik dan Antarabangsa), Profesor Datuk Ir. Dr Badhrulhisham Abdul Aziz.



Dari kiri, Badhrulhisham, Dang Nasir, Rujhan dan Md Nor bercakap kepada pemberita pada sidang media KPTN Jom Masuk U dekat sini, semalam.